

# ጳውሎስ ፕልጵስቶሳ አሳው ጳፌዳ ኪታ ገሉዋ

ጳውሎስ ፕልጵስቶሳ አሳው ጳፌዳ ኪታይ ጳፊቴዳዎ፣ ማቅደንያ ግዲዋን ደእያ ርመን ኦሞደቴዳ ፕልጵስቶሳ ጌተትያ ጋድያን ደእያ አማንያዋንቱሳ። ሀዋንቱ ጳውሎስ ኮይሮ አማንፊደ ሺሼዳዋንታ። ኡንቱንቱ ርመ ጋደ የለታ ግደ ድራውነ ቃይካ ካረ ጋደፕ ዬዳ ዋጋንነ አማኑዋን ዳሮፕ አዪኖ። ጳውሎሳ ቦላን ኡንቱንቱ ዳሮፕ ሀንቅቴዳ ጋሱካ ሀዋ (ኪታ 16:20)። ሀ ኪታይ ጳፊቴዳዎ፣ ሀራ አማንያ አሳንቻቱ ጳውሎሳ ቆፋ ጳልቂ ጳልቂደ ዋይሰያ ዋድያናነ ፕልጵስቶሳ አማንያዋንቱ ግደን ደንዴዳ ዋርደ ትምርትያ ጋሱዋን አ ዋዛናይ ዳሮ ካኖተደ መኤዳ ዋደነ ቃሾ ጎልያን እ ደእያ ዋድያና። ግደ ሸን፣ ጳውሎስ የሱስ ክርስቶሳ ምንሲደ አማንያ አሳ ግዴዳ ድራው፣ ሀ ኪታ ቦላን ቆንጨደ ቤትያዌ ናሽቻነ ኩመንፋ አማንትያዋ።

ጳውሎስ ሀ ኪታ ጳፌዳ ኮይሮ ጋሱ አ መቱዋ ዋደ አ ማዳናው ፕልጵስቶሳ አማንያ አሳይ እዋታ አው ኪቴዳ ድራው፣ ኡንቱንታ ጋላታናሳ። አ ቦላንካ ኡንቱንቱ ቦላንካ ዲማ ዲማ መቱ ጋኬዳዋ ግደፕካ፣ ኡንቱንቱ ጳላና ማላነ ኩመንፋ አማንቲደ ደእና ማላ፣ ሀ ጋከቴዳ እንጅያን ኡንቱንታ መንፍ። አዩዋነ ኦቶሩዋ ድጊደ፣ የሱስ ክርስቶሳ አሸከተፋን ኡንቱንቱ ኩማና ማላ፣ ምንሲደ ኡንቱንታ ሀሳይሴዳ። የሱስ ክርስቶሳና እትፕ ግዴዳዋን ኡንቱንቱ ደሜዳ ደኡ ጳሳ እጁ ኬካተፋፕ ፑልቴዳዋን ኡንቱንቱ አማኑዋን አኬዳዋ ግድያዋፕ አትን፣ አይሁዳቱዋ ዋጋቱዋ ፖልያዋን ቤቴዳዋ ግደናዋ ኡንቱንታ ሀሳይሴ። የሱስ ክርስቶሳና እቱዋ ግዲደ ደእያ ኡባቶ ጳሳይ እምያ ሳሮተፋባነ ናሽቻባ ኡንቱንቶ ጳፌ።

ሀ ኪታይ ኤሪትያዌ ናሽቻ፣ አማንትያዋ፣ እትፕተፋነ ክርስትና አማኑዋንነ ደኡዋን ምኒደ ደእያዋ ጌሽደ በሰያዋና። ሄዋ ቦላካ ፑጂደ፣ ጳውሎስ ፕልጵስቶሳን ደእያ አማንያ አሳቱዋ ሲቅያ ዋልቃማ ሲቁዋ ቆንጭሴ።

**ሸምፓቱዋ ኡባቶ እመቴዳ ቃንፋ ቆፋቱዋ**

**ገሉጥ 1:1-11**

ጳውሎስ ደኤዳ ደኤዳ ሆኖታ 1:12-26

ክርስቲና ደኤዳ ሌሎሎጥ 1:27—2:18

ጽሞቶሳውን ኤጳፍሮዲቱሳው ደእያ ቆፋ 2:19-30

አማኑዋ ኤቀትያዋንቱፕ ሰገታና ማላ ኦደቱዳዋ 3:1—4:9

ጳውሎስ ፕላን 1:11 አማንያዋንቶ ሺሼዳ ጋላታን ማቁዋ  
4:10-20

ወርሰላ ቁትያ 4:21-23

**ሳርታ**

1 ኑን የሱስ ክርስቶስ ኦሳንቻቱ ጳውሎስን ጽሞቶስ፣ ክርስቶስ የሱሳን ደእያዋንቶ፣ ፕላን 1:11 ግያ ካታማን ደእያ ጌሻቶ ኡባቶ፣ አማንያዋንታ ካለላያዋንቶን ማድያዋንቶ ሆ ዳብዳቢያ ጸፊቶ።

2 ኑ አወዋ ጸሳፕን ጎዳ የሱስ ክርስቶስ ላይ አይ ከካተላይን ሳርተላይ ህንተንቶ ግድ።

**ጳውሎስ ዋሴዳ ጋላታ ዋሳ**

3 ታን ህንተና ሀሳይያ ዋደ ኡባን ታ ጸሳ ጋላታይ።

4-5 ህንተ ኮይሮ ጋላታ ሆኖ ጋካናወ፣ ሞሽራቹዋ ቃላ ኦድያዋን ታና ማዴዳ ድራወ፣ ታን ኡባ ዋደ ህንተንቶ ኡባወ ናሽቻን ጸሳ ዋሳይ።

6 ቃይ ህንተንቱ ግድን ሎኦ ኦሎጥ ደማዳ ጸሳይ፣ ክርስቶስ የሱስ ሰምያ ጋላታይ ጋካናወ ፖላናዋ ኤራይ።

7 ታን ህንተንቶ ኡባወ ሄዋዳን ቆፓናወ በሴ፤ አያወ ሳፕ፣ ታን ህንተና ኡባ ዋደ ሀሳይያ። ሀእ ታን ቃሹዋን ደእያዋን ምንጋላወ ሞተትያዋን፣ ቃይ ምንጋላ ምንሳ ኤሰያዋን፣ ጸሳይ ታወ ካጩዳ ካጫ ህንተካ ታናና ግሽ አኬድታ።

8 አያወ ሳፕ፣ ታን ህንተና ኡባቱዋ ክርስቶስ የሱሳፕ ይያ ሲቁዋን አይ ከና ሲቅንቶ፣ ጸሳይ ታወ ማርካ።

9-10 ቃይ ታን ህንተንቶ ጸሳ ዋሰያዋ ሆኖ፤ ሎኦካ አያኔካ ደራናወ ህንተንቱ ዳንዳያናዳን፣ ቃይ ህንተንቱ ሲቁ ቱሙ ኤራተላናን አኬካ ኡባና እትፕ ጉጅ ጉጅ ድጫናዳን፣ ጸሳ ዋሳይ፤ ያቲደ ክርስቶስ ሰምያ ጋላታን ህንተንቱ ሱረን ፖኩ ባይናዋንታ ግዳና።

11 ቃይ ህንተንቱ ሸምፑካ ጸሳ ቦንቻን ጋላታወ የሱስ ክርስቶስ ባጋና ቤትያ ጽሎተላ አይፍያ አይፋና።

**ጳውሎስ ቃሹ ምንጋላይ አካናዋ ድግቤና**

12 ታናዳን ጸሳ ካልያዋንቶ፡ ሀ ታና ጋኬዳዌ ሞሽራቹዋ ቃላይ አካናዳን ቱሙ ማዴዳዋ ህንተንቱ ኤራና ማላ ኮያይ።

13 ታን ክርሰቶሳ ድራዉ ቃሽቱዳዋ፡ ካትያ ጎልያ ናግያ ኡባቱነ ሀዋን ደእያ ሀራቱ ኡባቱ ኤሪና።

14 ቃይ ታን ቃሽቱዳዌ ኑ እሻቱዋ፡ ዳርያዋንቱ ጎዳን ሎይል አማነቲደ፡ ጸሳ ቃላ ያሽ ባይናን ካሰዋ፡ ጸሊደ ኦዳናዳን ማዴዳ።

15 ቱሙ፡፡ እቱ እቱ ቃናትያ ድራዉነ ፓሉሞያ ድራዉ፡ ክርሰቶሳዋ ኦዲና፤ ሸን ሀራንቱ ሎኦ አሙዋን ኦዲና።

16 ሀዋንቱ ጸሳይ ታዉ ዋንጋላ ናግያ ኡሱዋ እሜዳ ድራዉ፡ ሲቂደ ቃላ ኦዲና።

17 ሸን የኮንቱ ታን ቃሹዋን ደእሸን፡ ታ ቦላ ዋይያ አሀናዋ ኡንቱንቶ ማላትና፡ ባረና ሲቃያ ዋልቃማ አሙዋን ክርሰቶሳዋ ኦድና፡፡ አትን፡ ዋዛና፡፡ ኦድክና።

18 እይነ ባዋ፤ ማላትሰያ ኦዳን ግደ ዋይ ቱሙ ኦዳን ግደ፡ አይ ኦግያንነ ክርሰቶሳዋ ኦድ፡ ታን ሄዋን ናሽታይ። ሰንላናዉካ ቃይ ታን ናሽታና።

19 እያዉ ጎፐ፡ ታን ህንተንቱ ዋሳንነ የሱሰ ክርሰቶሳ እያና፡፡ ይያ ማዲዋን አታናዋ ኤራይ።

20 ታ ዋልቃማ አሙነ ጸሳ፡፡ አካና ጋደ ታን ናሽታን ናግያ ናፕ አዬ ጎፐ፡ ታን ፓጸ ደእናካ ዋይ ሀይቂናካ ያየናን፡ ካሰዋዳን ሀእካ ታ ኩሙንላ አሳተላን ክርሰቶሰ ቦንቼታናዋ፡ አትን፡ ታን ሀራይ አቶ እትባንካ ዬላተናን አታናሳ።

21 እያዉ ጎፐ፡ ታዉ ደኡ ክርሰቶሳ፤ ቃይ ሀይቂካ ታዉ ጎኦ።

22 ሸን ታን ፓጸ ደእያዋን ዳሮ ጎእያዋ ኦላናዋ ግድ፡ ሀቃዋ ድራነንቶ ታዉ ኤረተና።

23 ታን ሀ ላኡ የዋቱዋን ሙቶታይ፤ ሀ ደኡዋ፡ ሻከታናዉነ ቃይ ክርሰቶሳና እት፡ ደእናዉ አሞታይ፤ ክርሰቶሳና እት፡ ደእያዌ ኡባ፡ አዴዳ ዳሮ ሎኦ።

24 ሸን ታን ሀይቂያዋ፡ ህንተንቱ ድራዉ ፓጸ ደእያዌ ህንተና ዳሮ ኮሸያዋ።

25 ሀዌ ቱማ ግድያዋ ታን ጌሻደ ኤራይ፤ ቃይ አማኑዋን ህንተንቱ ድጫናዳንነ ናሽታናዳን፡ ታን ህንተና ኡባና ፓጸ ደእና።

26 ሄዋ ድራዉ፡ ታን ህንተና ላኡንሉዋ ይያ ዋደ፡ ክርሰቶሳ የሱሳና ህንተ ደእያ ደኡዋን፡ ታን ጨቀትያባይ ህንተንቶ ዳራና።

27 ግደጥካ፣ ህንተንቱ ህንተንቱ ሁጳው ክርስቶሳ ዋንጋላው በሰያ ደኡዋ ደእተ፤ ታን ህንተና ባደ ዋይ በአና ጳይና፣ ህንተንቱ እት ቆፋን ሞኒደ ኤቁዳዋነ፣ ቃይ ዋንጋላ አማኖ እት ዋዛና ግዲደ እትጥ ባጸትያዋ ሰሳና።

28 ህንተ ሞርከቶ አያንካ ያዮጥተ፤ ሄዌ ኡንቱንቶ ኡንቱንቱ ባሻ ጲሽሴ፤ ሸን ጸሳይ ህንተና ጸንሰያ ድራው፣ ህንተንቶ አቶተላ ጲሽሴ።

29 እያው ጎጥ፣ ክርስቶሳው አልያ ካጫይ ህንተና ጋኬዳዌ ህንተንቱ እን አማናና ጸላላሳ ግደናን አ ድራው ዋይያካ አካናሳ።

30 ታን ካሰ ባጸትሸን ህንተንቱ በኤዳዋ ማላ ባጸኒ ቃይ ሀእካ ታን ባጸትያዋ ህንተንቱ ሰሰያዋ ማላይ ህንተና ጋኬዳ።

## 2

### ክርስቶስ ባረና ካዉሼዳዋ ሊምሱዋ

1 ክርስቶሳን ህንተንቱ ደእያ ደኡ ህንተና ዋዛንሉ? አ ሲቁ ህንተና መገጠሉ? ጌሻ አያናና ህንተንቶ እትጥተላይ ደኢ? ህንተ እቱ እቶ ኬኪቲኔ ቃረቲቲ?

2 ያቶጥ፣ ህንተንቱ ቆፋን፣ ሲቁዋን፣ ዋዛናን፣ ቆፋ ፖሉዋን እቱዋ ግዲደ፣ ታና ፖሎ ናሽቶተ።

3 ህንተና ሲቅያዋን ዋይ ጨቀታናው ኮይያ መላ አጡዋን እትባነ አሶጥተ፤ ሸን እቱ እቱዋጥ ጶቃይ ያገደ ቆጥናን፣ እቱ እቶ ህንተንቱ ሁጲያ ካዉሸተ።

4 ቃይ እቱ እቱዋ ጎእያዋ ኮያናጥ አትን፣ ህንተንቱ ሁጳ ጸላላ ጎእያዋ ኮዮጥተ።

5 ክርስቶሳ የሱሳን ደእያ ሀ አሸከተላ ቆፋይ ቃይ ህንተናንካ ደእናው በሴ።

6 እ ኡባ ዋደ ጸሳ ግዲደ ደኤዳ፤ ሸን እ ዋልቃን ጸሳ ኬና ግድያ ማታይ ደእያዋ በሰያዋዳን ፓይድቤና።

7 ሸን እ ባረ ሸንያን ኡባባ አገደ፣ \* አይልያ መጠታ አኬዳ፤ ቃይ አሳ ማላቲደ ቆንጨዳ።

8 እ ባረና ካዉሼዳ፤ ሀይቆ፣ ኡባ ሀራይ አቶ፣ ማሰቃልያ ቦላ ሀይቃናዉካ አዛዘቲዳ።

\* 2:7 ኡባባ አገደ፡- እ ባረና መላ አሌዳ ጉሳ።

9 ሄዋ ድራው፣ ጸሳይ ኦሎይስ ጶቁ ጶቁ ኦሎይ፤  
ቃይ ሱንሳ ኡባጥካ ኦሎይ፤  
ጶቁ ሱንሳ ኦሎይ እሚዳ።

10 ሄዋ ድራው፣ ሳሉዋንን ሳኦን፤  
ሳኦጥ ጋርሳን ደእያ ኡባይ፤

የሱሳ ሱንሳ ቦንቻናው ጉልባታና።

11 ቃይ ኦሳይ ኡባይ የሱሰ ክርሰቶሰ ጎዳ ያገደ፤  
ጸሳ ኦሎዋ ቦንቻ ማርካታና።

**ሀ ሳኦን ደእያ ኦሳው ፖኦ ግድያዋ**

12 ሄዋ ድራው፣ ታ ዳባቶ፣ ታን ህንተናና ደእያ ዋደ ኡባን ህንተንቱ ታው ኦዛዘቱዳዋዳን፣ ሀእ ታን ህንተንቱ ማታን ደእና ዋደካ፣ ህንተንቱ ካሰዋጥ ኦሎይ ታው ኦዛዘታናው በሴ፤ ያሻተላንን ኮርሳን ህንተንቱ ኦቶተላ ፖላናው ኦሎይ።

13 እያው ሳጥ፣ ጸሳይ ህንተና ባረው ኤኖ ገሳናዳንን ቃይ እ ቆፔዳዋ ህንተንቱ ኦሳናዳን ህንተንቱ ግደን ኡባ ዋደ ኦሎይ።

14-15 ጌላን ናጋራንቻ ኦሳ ግደን ፖኦ ባይናዋንታ፣ ጌሻቱዋ፣ ጸሳ ናናቱዋዳንን ፖኦ ባይናዋንታ ግድተ፤ ቃይ ዙዙመናን ዋይ ኢታባ ቆጥናን ኡባባ ኦሎይ። ሄ ኦሳ ግደንካ ሳሉዋን ፖኦ ያልንትያዳን ፖኦደ፤

16 ደኡዋ ምሽራቹዋ ቃላ ኡንቱንቶ ኦድተ፤ ሄ ዋደ ታ ዳቡራይን ታ ኦሎይ ሙላ ጳይቤናዌ ኤረትያ ድራው፣ ክርሰቶሰ ሰምያ ጋላሰ ታን ህንተናን ጨቀታና።

17 ሀራይ ኦቶ ህንተንቱ ኦማኑ ጸሳው ያርሽያ ያርሹዋ ቦላ ታ ሱላይ ኡሻ ያርሹዋዳን ጉኮጥካ፣ ታን ናሽታይ፤ ህንተናና ኡባና እትጥ ናሽታይ።

18 ሄዋዳን ህንተካ ቃይ ናሽታናው በሴ፤ ታናና እትጥ ናሽታ።

**ጽዋቶሰን ኤፓፍርድቶሰ ኦሎይ ኦሎዋ**

19 ሽን ታን ህንተንቱ ደኡዋባ ሰሳደ ናሽታናዳን፣ ጽዋቶሳ ህንተኮ ኤላካ የዳናዋ ጎዳ የሱሳን ኦማንታይ።

20 እያው ሳጥ፣ ህንተንቱ ደኡዋባው ዋዛናጥ ሀርግያ ኦ ማላ ኦሳይ ሀራይ ኦንን ታው ባዋ።

21 እያው ሳጥ፣ ሀራቱ ኡባቱ ባረንቱ ሁጸ ጎኦ ኮዪኖ፤ የሱሰ ክርሰቶሳዋ ኮይክኖ።

22 ሽን ናአይ ባረ አቡ ኦልያዋዳን፣ ጽሞቶሰ ታናና እትጥ ግዲደ፣ ዋንጋላ ኦሱዋ ኦሌዳዋን፣ አማነትያ አሳ ግድያዋ ኤርሴዳዋ ህንተንቱ ኤሪታ።

23 ሄዋ ድራዉ፣ ታን የዉ ሀንያዋ በኣደ፣ ኤለካ አ ህንተኮ የዳና ጋደ ቆጋይ።

24 ታን ታ ሁጳዉ ማታ ዋድያን ህንተኮ ባናዋ ጎዳን አማነታይ።

25 ሽን ታን ታ እሻ ኤፓፍርድቶሳ፣ ታናና እትጥ ታ ባጋ ግዲደ ኦሌዳዋ፣ ኦለቴዳዋነ፣ ቃይ ታና ማድያዋን ህንተንቶ ኪተቲደ ኦሌዳዋ ህንተኮ ኪታናዉ ኮሽያዋ ቆጋድ።

26 አያዉ ጎጥ፣ እ ህንተና ኡባ በአናዉ ላሞቲ፤ ቃይ እ ሳከቴዳዋ ህንተንቱ ሰሴዳ ድራዉ፣ ባረ ዋዛናን ዳሮ መቶቲ።

27 እ ቱሙ ሳከቴደ፣ ሀይቂ አቴዳ፤ ሽን ጸሳይ አዉ ቃረቴዳ፤ አ ጸላላዉ ግደናን ካዩ ካዩዋ ቦላ ጉጀተናዳን፣ ታዉካ ቃረቴዳ።

28 ሰሞ ህንተንቱ ላኤንሉዋ አ በኢደ ናሽታናዳን፣ ታዉካ ታ ዋዛና ካዩ እርጻናዳን፣ ታን ኤለካ አ ህንተኮ የዳና።

29 ሄዋ ድራዉ፣ ጎዳን ደእያ እሻዳን፣ ኩመንላ ናሽቻን አ ሞክተ፤ ቃይ አ ማላትያ አሳ ኡባካ ቦንቶተ።

30 አያዉ ጎጥ፣ ህንተንቱ ህንተንቱ ሁጳዉ ታና ማዳና ዳንዳየና ማዲዋ ማዳናዉ፣ ክርሰቶሳ ኦሱዋ ድራዉ፣ ባረ ሸሞጥዋ ሽነኮ ጊደ፣ ሀይቂ አቴዳ።

### 3

#### ቱሙ ጽሎተላ

1 ዉርሰላን፣ ታናዳን ጸሳ ካልያዋንቶ፣ ጎዳይ ህንተንቶ ናሽቻ እሞ። ታን ካሰ ጸፌዳዋ ዛረላደ ጸፍያዌ ታና ዋይሰና፤ ቃይ ሄ ጸፍያዌ ህንተና ናጋና።

2 ኢታባ ኦልያዋንቱ፣ ሄ ካናቱዋ ኤሻይ ደእያዋንቱ፣ ቃጸራይ ኮሼ ግያ አሳቱዋጥ ናገትተ።

3 አያዉ ጎጥ፣ ኑን ጸሳ ጌሻ አያናን ጸሳዉ ጎይንያ ድራዉነ ኑ ደኡዋን ጎዳ ክርሰቶሳ የሱሳን ናሽቻ ድራዉ፣ ቱሙ ቃጸራ ቃጸረቴዳዋንታ፤ አሳተላ ቦላ ኦሰትያዋን አማኖኮ።

4 ቃይ ታዉ ታ ሁጳያንካ ታ አሳተላን አማነትያዌ ደኤ። አይ አሳይነ ባረ አሳተላን አማነትያዌ ባረዉ ደኤ ጊደ ቆፖጥ፣ ታን አጥ ሎይላ አዳይ።

5 ታን የለቶደፕ ሆሰፑንጎጎ ጋላሳን \* ቃጸረታድ። ታን የለታን እስራኤልያ፤ ቢንያማ ዛረ፤ ዋላካይ ባይና አይሁዳ አሳ። አይሁዳ ሀግያ ናግያዋን ግደፕ፣ ታን ፓርሳዌ፤

6 አይሁዳ አማኖ ሴላ ግደፕ፣ ታን አማንያዋንታ ዋይሳድ፤ እት ኡራይ ሙሴ ህገዉ አዛዘቲደ ጽልያዋ ባጋ ግደፕ፣ ታናን ፖኮባይ ቤትቤና።

7 ሸን ታና ጎእያ ሄ ኡባባ ክርሰቶሳ ድራዉ ባዬዳዋዳን ፓይዳይ።

8-9 ቱማካ፣ ሄዋንቱ ጸላላ ግደና፤ ታን ታ ጎዳ ክርሰቶሰ የሱሳ ኤርያዌ ኡባባፕ ሎይሐ አድያ ድራዉ፣ ኡባባ ታና ሙለካ ጎኤናዋዳን ፓይዳይ፤ ታን አ ድራዉ ኡባባ የጋ ባሻድ። ክርሰቶሳ ደማናዉን አናና ደአናዉ ኡባባ ዋራ ኮሌዳዋዳን ፓይዳይ፤ ታን ሙሴ ህገዉ አዛዘታደ ደምያ ታ ሁጰ ጽሎተላይ ታዉ ባዋ። ክርሰቶሳ አማንና፣ ጸሳይ እምያ ጽሎተላይ፣ አማኑዋን ጸሳ ማታፕ ይያ ጽሎተላይ ታዉ ሀእ ደኤ።

10-11 ታን ክርሰቶሳን አ ደንዲዋ ዋልቃ ኤራናዉ ኮያይ፤ ያታደ ታን ታ ሁጰዉ ሀይቁዋፕ ደንዳና ያግያዋን፣ አ ዋይያ አናና ዋየታናዉን አ ሀይቁዋን አ ማላታናዉ አዋታይ።

**ጋክያሳ ጋካናዉ ዋጽያዋ**

12 ታን ሀእ ደማ ድጋድ ዋይ ታናን ባል ባዋ ጊከ። ሸን ክርሰቶሰ የሱሰ ታና ባረዉ አሌዳ ዋይታ ደማና ጋደ ኤሌላይ።

13 ታናዳን ጸሳ ካልያዋንቶ፣ ታን ሄዋ ደማ ድጋድ ጋደ ቆፕከ፤ ሸን ታን እትባ ኦላይ፤ ታፕ ጉየና ደእያዋ ደጋደ ሰንላን ደእያዋ ኦይቃናዉ ዋ□ታይ።

14 ጸሳይ ክርሰቶሰ የሱሳ ባጋና ቦላ ደኦ ጸሰያ ዋይታ አካናዉ፣ ታ ጋካናዉ ዋጸይ።

15 ሰም ኑን እያናን ምኔዳዋንቱ ኡባቱ ሀዋ ቆፓናዉ በሴ፤ ቃይ ህንተፕ አማራዳዋንቶ አያንነ ዲማ ቆፋይ ደኦፕ፣ ሄዋካ ጸሳይ ህንተንቶ ቆንጭሳና።

16 ግደፕካ፣ ኑን ሀኖ ጋካናዉ ደኤዳ ማራዳን፣ አነ ሰንላዉ ሄ ማራ ካሎይተ።

17 ታናዳን ጸሳ ካልያዋንቶ፣ ታን ሀንያዋዳን ሀንተ። ኑን ህንተንቶ ለምሱዋ ግዴዳ፤ ሄዋዳን ህንተካ ኑን ህንተንቶ ለምሱዋ ግዴዳ ማራ ካልያዋንታ አኬክተ።

---

\* 3:5 ታን የለቶደፕ ሆሰፑንጎጎ ጋላሳን፡- ሀዌ አይሁድያ አቱማ ናናይ የለቶደፕ ሆሰፑንጎጎ ጋላሳን ቃጸረትያዋ በሴ።

18 እያው ጎጥ፡ ታን ሄዋ ህንተንቶ ካሰ ጮራቶ ኑዳድ፤ ቃይ ሀእ ላኤንሉዋካ ኦርጸደ ህንተንቶ ኑዳይ፤ ክርሰቶሰ ማሰቃልያ ቦላ ምሰማርያን ድሽቲደ ሀይቄዳዎ ባረንቱ ሸምፑ ባረና ሞርከ ኦሴዳ ዳር አሳቱ ደኢኖ።

19 ኡንቱንቱ ወርሰላይ ባሻ፤ ኡንቱንቱ ኡሉ ኡንቱንቶ ጸሳ፤ ዬላታናዉ በሰያዋን ኡንቱንቱ ኦቶረቲኖ፤ ቃይ ሀ ሳእባ ጸላላ ቆፕኖ።

20 እያው ጎጥ፡ ኑ ቢታይ ሳሉዋና፤ ኑን ቃይ ሳሉዋጥ ያና ኑና ኦሽያ ጎዳ የሱሰ ክርሰቶሳ ናጌቶ።

21 ክርሰቶሰ ኡባባ ባረጥ ጋርሳን ዎላናዉ ዳንዳይያ ባረ ዎልቃን፡ ኑ ዳቡራንቻ አሳተላ ላሚደ፡ ባረ ቦንቾ አሳተላ ማላትሲደ አላና።

# 4

## ወርሰላ ዘርያ

1 ታናዳን ጸሳ ካልያዎንቶ፡ ታን ሲቅያዎንቶ፡ ላሞትያዎንቶ፡ ታና ናሽቶያዎንቶ፡ ታና ቶቄ አልያዎንቶ፡ ታ ዳባቶ፡ ሰም ጎዳን ህንተንቱ ምን ኤቃናዉ በሴ።

2 ኤዎደን ሰንጺኤ፡ ህንተንቱ ላኡካ ቆፋን እቱዎ ግዲደ፡ ጎዳን ደአናዳን፡ ታን ህንተና ዘራይ።

3 ቃይ ታናና ኦሳያ አማነቴዳዎ፡ ኔን ሀ ማጫ አሳቱዎ ማዳናዳን፡ ታን ኔና ዎሳይ፤ እያው ጎጥ፡ ኡንቱንቱ ታናና ኡንቱንቱ ሱንላይ ጸሳ ደኡዎ ማጻፋን \* ጸፈቴዳ ቃለምንጸሳና ቃይ ታናና እትጥ ኦሳያ ሀራቱዎ ኡባና ዎንጋላ ኡባሳ ጋላናዉ ዳቡራድኖ።

4 ጎዳና ህንተንቱ ደእያ ደኡዎን ኡባ ዎደ ናሽትተ፤ ታን ሀዎ ጉጃደካ ጋይ፤ ናሽትተ።

5 አሳይ ኡባይ ህንተንቱ አሽከተላ ኤር፤ ጎዳይ ማታን ያና።

6 ጸሳ ህንተንቱ ዎሰያ ዎሳ ኡባን አ ሎይላ ጋላቲደ፡ ህንተና ኮሽያዎ ኡባዉ ዎሰተጥ አትን፡ እትባዉካ ሀርጎፕተ።

7 ቃይ አሳ ኤራተላ ኡባጥ አድያ ጸሳ ሳርተላይ ህንተንቱ ዎዛናን ህንተንቱ ቆፋ ጎዳ የሱሰ ክርሰቶሳ ባጋና ናጋና።

8 ወርሰላን፡ ታናዳን ጸሳ ካልያዎንቶ፡ ህንተንቱ ዎዛናን ሎኦባን ጋላትሰያዎ ቆፕተ፤ ቱማ ግድያባ ኡባ፡ ቦንቾሰያዎ ኡባ፡ ባይዙዎ ግድናባ ኡባ፡ ጌሻባ ኡባ፡ ሲቁዎ ኡባ፡ ሱረ ግድያባ ኡባ ቆፕተ።

\* 4:3 ጸሳ ደኡዎ ማጻፋን፡ ጸሳ አሳ ሱንላይ ጸፈትያ ማጻፋ።



9 ህንተንቱ ታፕ ታማራዳዋ፣ እኩዳዋ፣ ሰሴዳዋን በኤዳዋ ኡባ ኦሐተ፤ ቃይ ኑዉ ሳርተላ እምያ ጸሳይ ህንተናና እትፕ ግዳናዋ።

**ባረዉ ኪተቲዳ እሞታዉ ጳዉሎስ ጋላቴዳዋ**

10 ሸን ዳሮ ዎድያፕ ጉይያን፣ ሀእ ህንተንቱ ታዋ ላኤንሉዋ ቆፓናዉ ደሜዳ ድራዉ፣ ታን ጎዳን ሎይላ ናሸታይ፤ ታዉ ቆፓናዉ ህንተንቶ እንጀተናን እጹዳዋፕ አትን፣ ታዉ ቆፋ ቆፒታ።

11 ታን ሀዋ ታና መቲዳ ድራዉ ጊከ፤ እያዉ ጎፕ፣ ታዉ ደእያባይ ታዉ ግዳና ተ ግያዋ ታን ታማራድ።

12 ታን መቶቲደ ዎት ደእነንቶ ኤራይ፤ ቃይ ዱረቲደ ደእያዌካ እየንቶ ኤራይ፤ ሀቃን ግድናካ አዉደ ግድናካ፣ ታን ካሉዋን ኮሻ ቃይ ፓጫን ፓላሃ ታማራድ።

13 ክርሰቶስ ታዉ እሜዳ ዎልቃን፣ ኡባባ ኦላናዉ ታን ዳንዳያይ።

14 ግደፕካ፣ ህንተንቱ ታ መቲዋ ታናና መቶቲደ ዳሮ ሎይሴድታ፤

15 ፕላይስቶሪ አሳዉ፣ ዎንጋላ ሞሸራቹ ኮይሮ ህንተ ግደን አደቲዳ፤ ሸን ታን ማቅደንያፕ ከሴዳ ዎደ፣ ታና አማንያ ህንተንቱፕ አትን፣ ሀራይ ማድቤናዋ ህንተንቱ ህንተንቱ ሀጳዉ ኤሪታ፤ ቃይ እምያባንካ እክያባንካ ህንተፕ አትን፣ ሀራይ ታና ማድቤና።

16 እያዉ ጎፕ፣ ታና መቲ ኦይቄዳ ዎደ፣ ሀራይ አቶ ታን ተሰሎንቀን ደእሸንካ ታና ዛር ዛሪደ ማዳድታ።

17 ታን ህንተዋ ቦላ ሀራባይ ጉጀታናዋ ኮይያዋፕ አትን፣ ዎይታ ጸላላ አካናዉ ኮይከ።

18 ሸን ታን ህንተንቱ እሜዳዋ ኡባ አካድ፤ ቃይ ታዉ ፓላሂደ ግድያዌ ደኤ። ህንተ ኪቲዳ ኡባባ ኤፓፍሮድቶሳፕ አካድ፤ ኮሸያ ኡባይ ታዉ ደኤ። ህንተ ታዉ ኪቲዳ እሙ ጸሳዉ ሳዉዋ ቶሸኩ ግያን እ ደሰያ፣ እ ናሸኝያ ያርሹዋ ማላ።

19 ቃይ ታ ጸሳይ ባረ ቦንቾ ዱረተላ ዳሩዋን ክርሰቶስ የሱሳ ባጋና ህንተና ኮሸያዋ ኡባ ህንተንቶ እማና።

20 ኑ ጸሳዉ፣ ኑ አዎ መድናፕ መድና ጋካናዉ ቦንቹ ግድ። አመንእ።

---

† 4:11 ታዉ ደእያባይ ታዉ ግዳና- ታዉ ደእያባን ታን ሸምፓይ፣ ካላይ፣ ዎፕ ጋይ። 4:15 2 ቆሮ. 11:9 4:16 ኪታ 17:1 4:18 ከሳ 29:18

**ወርሰላ ሳርታ**

21 ክርስቶስ የሱሳዋ ግድያ ጸሳ አሳቱዋ ኡባቱዋ ሳር ገተ።  
ታናና ሀዋን ደእያ እሻቱ ሀንተና ሳር ገኖ።

22 ሀዋን ደእያ ጸሳ አሳቱዋ ኡባቱ፣ ኡባፕካ አሊደ ካትያ ቁሳረ  
ኅልያን ደእያዋንቱ ሀንተና ሳር ገኖ።

23 ኑ ጎዳ የሱስ ክርስቶሳ እጅ ኬካተላይ ሀንተናና ግድ።

## ጌሻ ማጻፋ

### **The Holy Bible in the Dawro language of Ethiopia**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Contributor: The Word for the World International

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### **The New Testament**

in Dawro

### **© 2011-2024, Wycliffe Bible Translators, Inc. and The Word for the World International**

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

---

PDF generated using Haiola and XeLaTeX on 2 May 2025 from source files dated 1 May 2025

585b63ca-b8e6-55c8-bfef-10bdc95ad69c